

حوار مع مار شربل

بطاقة مكتبيّة

إسم الكتاب : حوار مع مار شربل

المؤلف : روجيه ضاهرية

شهادتكم في الكتاب تهمني:

rogerdahrieh@yahoo.com

FB: Roger Dahrieh

Insta: Roger Dahrieh

Twitter: Roger Dahrieh

الموضوع : حوار وتأمّلات صامتة

الغلاف : للفنانة ساندرا كلارك

عدد الصفحات : 112 صفحة

القياس : 21 x 14.5 سم

جميع الحقوق محفوظة

الطبعة الثانية 2019

ISBN: 978-9953-0-3260-3

المطران سمير مظلوم

نائب بطريركي ماروني

بعد اطلاعي على كتاب " حوار مع مار شربل"، للكاتب روجيه ضاهرية، أفيد أنه

لا متع من طبعه .

المطران سمير مظلوم

بكركي في 31 تموز 2010

نائب بطريركي

إطلع على الكتاب ودقق في محتوياته كل من:

- صاحب الغبطة والنيافة البطريرك الكاردينال مار نصر الله بطرس صفير الكلي الطوبى
- سيادة المطران سمير مظلوم
- سيادة المطران أنطوان نبيل عنداري
- سيادة المطران ناصر الجميل
- قدس الأب العام للرهبانية المارونية الأبائي الياس خليفة
- د. شحادة أبي خليل

حوار مع مار شربل

سراج الحياة

(تأملات صامتة)

جزء أول

باللغة اللبناني

المقدّم

جايي لعندك وحامل معي جروحاتي.

حامل معي وجع الناس.

حامل وجعي، زعلي وآهاتي.

صارت حيطان الصمت يلّي فيّي، أكبر منّي.

حامل معي سلّي، معبّاي من كلّ شي فيّي ما يبسوا.

رح فضّيا هون، عندك،

بركي برجع باخدا معي،

معبّاي من كلّك،

إيمان، محبّي وغفران.

من بعد فترا ما عدت زرت محبسة مار شربل. طلعت أنا وعيلتي تَ نزور
ونصلّي، بالوقت للي كانو فيه كلّ الناس عم ييزورو الدير. حسّيت إنّّي
لوحدي، وصرت إحكي مع مار شربل، من دون ما يسمعي حدا، وصار
يجاوبني من جَوّاتي ومن خلالي، ومن دون ما يشعر حدا فيّي. ما بعرف شو
حسّيت بوقتنا، كلّ اللي بعرفو، إنّّي كنت عم بحكي معو، وجاوب حالي.

حبّيت إنقلّكن الحديس اللي صار بيني وبينو، ورافقني عَ البيت، يسهر معي
لطلوع الضوّ، وإغفا عَ كلماتو، والشمس تتكي عَ شبّاكي. وصار خيال
السؤالات والأجوبي يرافقني بكل لحظا من حياتي، بالوقت اللي كانو في الناس
كتار حوالِيّ. كنت مشغول عم بكتب مسلسل، وقفّتو من دون ما أعرف
شو السبب، لأنقلّكن بأماني وصدق كل الحوار اللي صار وعم بيصير بيني
وبين القدّيس مار شربل.

بلّش الحوار

مار شربل: روجيه؟! ... روجيه?! ...

أنا: نعم!.

مار شربل: وين كنت صرلك زمان ما عدت جيت؟.

أنا: مين؟.

مار شربل: أنا يّلي إنت جايي لعندو! ...

أنا: كنت مفكّر عم يحكي مع حالي، أو عم بحلم.

مار شربل: وهلق؟!.

أنا: هلق؟! ... صوتك عم يحكي فيّي، صار مع حالي.

مار شربل: جاوبني؟.

أنا: يا مار شربل، ما إنت ساكن معي، ساكن مع حالي
اللي عم بحكيا!.

مار شربل: قَلِّي، بدِّي إسمعن منك؟.

أنا: صار عندي عيلي ومسؤوليّي كبير، وصارت هالحياة ما عم بتكفّي.
لازم الإنسان يركض أكثر ما الوقت يركض. والوقت يركض أكثر من
التطوّر، وأكثر من المصاري اللي بتطير من الجيب، لازم نركض.
مار شربل: فايق لمن كنت تطلع لهون؟ وكنت أعزب؟.

أنا: نعم، فايق.

مار شربل: هاك الوقت، كنت عم تركض منيح، وكانت الدني مش سايعتك،
ومرات كتيري كنت عم بتلاقي الوقت... بعدك عم تصلّي؟.
أنا: دائماً قبل ما نام.

مار شربل: يعني، من بعد ما يخلص النهار كلّو، وتصير بالفرشي، عم بتمتم
الصلا إنت وعم تناوب، وع شويّ رح تبصرن بنومك... هيك

الصلا بتكون؟... هيك أهلك علّموك؟... هيك إنت ربيت؟.
الصلا ييني، بدّا خشوع وإحترام، لأنّك عم تحكي مع الله!.

أنا: ليش عم بتقلّي هيك؟ ما إنت عارف شو عم بيصير بهالديني وبحالنا؟
كيف كنّا وكيف صرنا!...

مار شربل: إيه، بتزكر منيح، كيف كانو الناس يخافو الله؟ وكيف كانو
محتشمين، وكيف كانو الولاد يطيعو أهلن؟ وكيف كانو يجو غ
بيت الله؟.

أنا: وكيف كانت المرا تنستر بيت زوجا، والرجّال يكتفي بمرا... والولد
كان ياكل ويشبع، تبعنو يرجع، تحكيه يسمع... كان من زمان...!
مار شربل: قوم، تعا معي!.

أنا: لوين؟!.

مار شربل: ما تسأل، تعا!.

- قمت وحملت حالي، اللي صارت ثقيلي، ومش عارف من شو؟ حملتا معي. مسكني بإيدي، ووقفنا قدام الدرايزين، وطلينا ع الوادي. سكت لتكي، وقلّي:

مار شربل: شوف!... هالوادي كان مليون عضام رهبان نساك، وهونيك مدفونين، وعضامن مثل النبي إيشع، بتعمل عجائب. فكّر فين، ووين نحنا اليوم؟ يمكن شي واحد يكون بعدو متأسّر فين.

- هون، مرقو صور مبارح قدامي. للحظا شفت قدامي جماعة رهبان، واقفين قدام المذبح عم بيرتلو بالسرياني، بألحان ملايكي... رجعت لزاقي، وإختفا المشهد. خبيت وجّي، رجعت لورا وقتلتو.

أنا: لأ، ما بدّي، لأ!.

مار شربل: ليش ييني؟.

أنا: ما بدّي، لأ!.

مار شربل: ليش؟.

أنا: لأني شفت مشهد رهبان عم بيصلّو، وإختفا المشهد وقلت: ما بدّي إرجع إتذكّر الماضي، بيوجّعني... آه، بيقلّقي، ما بخليّني نام. بيعيشني بصراع دايم مع نفسي.

مار شربل: ما كنت عايش بالنعمة، ومبسوط فيا؟.

أنا: مبلى، مبلى. بس! ما بعرف! ما بدّي إرجعلا! لأ...!!!.

مار شربل: وليش ما بدّك ترجعلا؟.

أنا: لأنّو الزمن تغير، والحياة تغيرت، والناس تغيرو، والظروف تغيرت. هلق ما بقا في نسّاك... اللي عم يلبسو التوب الأسود والزنّار، بطّلوا يلبسون!!!.

مار شربل: صلي، صلي كثير ييني، ت الله يردّ هاك الإيام، وينتلي الوادي نسّاك... قرّب... قرّب معي.

أنا: خَلِّني أنا هَلِّق باللي تَغَيِّر، بِكْفَيِّني عَانيت كَثير، وهَلِكُوني تَ أَعْرِف
عِيش مَعن، وإِلبس تِيَابَن المَش عَاجِبَتَنِي، وإِحْكِي حَكِين المَا إِلو طَعْمِي،
وَفَكِّر حَسَب تَفَكِيرَن المَعْتَم ... هِيك أَحَلِّي، رَكْبُولِي رَاس حَمَار... بَس
أَوَاقَات بِيرَكْبُو عَ ضَهْرِي، مَن دُون إِرَادَتِي.
- مِسْكَنِي بِإِيدِي، وَمَشِينَا لَمَطَرَح مَا كُنَّا.

مَار شَرِبِل: رَجَاع تَطَّلَع وَشُوف.
- فَتَّحَتْ عَيْنِي شُوي شُوي.

أنا: يَه!... هِيْدَا أَنَا هُون بِالْكُنَيْسِي!... يَاي، شُو كُنْتَ حَبَّ هَالرَاهِب
الْمَلْتَزَم... هِيْدِي جَارَتَنَا اللَّي كَانَتْ تَحْبِّي وَتَعْطِينِي بُونبُونِي... يَا اللّٰه!
هُون عَم بِخَدَم بِالْكُنَيْسِي، وَرَتَّل مَعَ الْجَوْقَا، وَإِقْرَا الرِّسَالِي... لِيكَ النَّاس
كَيْف لَابْسِين؟.

مَار شَرِبِل: مَا بَتَحَبَّن هَالْأَوَاقَات؟.

أنا: عَم بِشْتَقْلَن كَثير، أَنَا وَنَايِم بِفَكِّر فِين، أَنَا وَوَاعِي بِتَزَكَّرَن. آه... مَا بَعْرِف
كَيْف بَدِّي إِشْرَحْلُك... بَس، عَم جَرَّب قَدَّ مَا فَيِّي إِتْنَاسِين، إِحْمِين مَن

زاكرتي، مش عم بقدر بعد كلّ هالسنين!... ساعدني!... ساعدني!...
تَ إنسين.

مار شربل: ليش بدّك تنسين؟ هودي كانو خميري، واليوم ما عاد في خميري
منيحا، صارت مثل خميرة الفريسين بإيام المسيح!.

أنا: بدّي إنسين، لأني هلق شايفن لابسين غلط، وعم بيصلو غلط... لأني
عم بعيش بعزاب دايم وبقلق. وأوقات كتيري عم بعيش بوحدانيي،
وهالوحدانيي عم تقتلني. كلن ضدّي، ما حدا بدّو يعيش معي هيك!.

مار شربل: وين راحت الحِكمي يلّي عندك ياها؟.

أنا: حِكمي! شو يعني حِكمي؟ وين موجودي هاي؟ أنا قتلّك إني شلت
نُحّي وركبت معّ ح...
...

مار شربل: له!... له!. إطلع شوف منيح... فتّح عينيك!

أنا: ما بدّي شوف ولا إطلع. إنت يا مار شربل مش عم بتشوف نحنا وين
كنّا، ووين صرنا؟ وشو بدّنا؟ صرنا بعصر السرعة والصرعا، عصر
الإنترنت والتطور، عصر الحّي اللي عم بيشفوف كيف بدّو يشلّح خيو،

والإخت تاكل من كتف خيّا تّ يعملو سروي ع ضهر غيرن. عصر
الإنفتاح الأعمى والسلاح المتطور والحروب، يّلي بتحرق الأخضر
واليابس. عصر الأنانيّ
اللي تغلّبت ع كلّ المقاييس والمعايير والقيم بمجتمعنا،
طارت " نحننا " من المفردات وإجت محلّا " الأنا " .

مار شربل: هاو كلّ كانو موجودين من زمان!.

أنا: إيه، بس هيك؟!

مار شربل: بالوسايل اللي كانت متوفّرا بهاك العصر.

أنا: كيف؟!

مار شربل: نسيت إنّك تعلّمت عن أوّل جرمي بالبشريّ؟ لَمَن قايين قتل
خيّو هايليل؟.

أنا: إيه، شو يعني؟.

مار شربل: يعني كلّ اللي زكرتن، كانو بالماضي... بس إنت وغيرك كنتو قراب من بّي، كنتو عايشين بالنعمة. ما كان في شي ييقوا عليكن.

أنا: يلّي عم بتخبّرني ياه، صارو مثل القصص يلّي منخبّر لولادنا، وع شوي رح نبطل. مثل قصص الخرافيّ!... ما عادو موجودين بعصرنا... صارو يقولو يسوع كان عايش هيك من شي ألفين سني، هلّق تغير العصر وتغيّرت الحياة، اللي كان يمشي من قبل، بطل يمشي هلّق.

مار شربل: وإنت ليش مشيت لهون؟.

أنا: ما بعرف!.

مار شربل: ليش ما كنت عم تجي لهون؟.

أنا: خايف.

مار شربل: خايف؟! من شو؟.

أنا: ما بعرف!... مش حابب صير...

مار شربل: تصوير شو؟.

أنا: عم تحشرنى!.

مار شربل: حكي يَلِّي بقلبك، شيل هالغيمي عَن صدرَك، والعتمي عن عينيكَ، وشوف بقلبك.

أنا: بَدِّي شيل كلّ شي، بَدِّي شيل هالجسم اللي عليي، يَلِّي تابعني وعم بيشدّني نزول عَ الأرض، عَ التراب،... عَ الهلاك.

مار شربل: هوّي يَلِّي كان مانعَك؟.

أنا: لأ، هوّي مكربجني بحالحيّة، ما عم بخلّيني إطلع منّو.

مار شربل: شو يعني؟.

أنا: يعني عم بخاف تصوير زيارتي لعندك رفع عتب ومظاهر، وصلاتي تكون كلمات حفظناها من نحنا وزغار، وعم نردّدا بلا إيمان... خايف!.
مار شربل: كفي.

أنا: خايف فوت عَ الكنيسي، وشوف ناس وإشرد فيا، شي لابسي تياب ما بعرف كيف... ما بتخليني أعرف صلّي.

مار شربل: إي...ه!.

أنا: خلص!. خلّيني عم قوم بواجباتي وروح عالكنيسي كلّ أحد مع عيلتي، وصلّي متل كلّ الناس...

مار شربل: وشو الهدف من رَوْحَتِكَ ع الكنيسي نهار الأحد؟.

أنا: ما بعرف!... ما بعرف!... هيك كلّ الناس بيعملو، وأنا عم بعمل متلن.

مار شربل: يا بني، بالوقت يلّي كان في كل الناس عم ييشدّو نزول، كان صليينا عم بيرتفع طلوع بعلامتو صوب الله. كان وبعدنا حاملينو هيك!. ما سمعت شو قال الربّ يسوع: "...حُمول صلييك وتبعني"، و صليب الربّ، قدّ ما يكون ثقيل، بعدو أخفّ من حملِ ثِقَلِ البَشَر.

أنا: عم بحسّ إنَّكَ بكلّ مرّا مش عم بتجاوبني دُغري عَ سؤالي. عم تعطيني جواب تَ أنا فِكّر فيه.

مار شربل: شو قصدك؟.

أنا: قصدي بدال ما تقلي هلق، ليك هودي الناس كفار وخاطيين ومصيرن جهنم، أوعا تعمل مثلن

مار شربل: بتعرف الإنجيل؟.

أنا: إي!، ما أنا مسيحي ومعمّد، وعامل أوّل قرباني، وتجوّزت بالكنيسي!.

مار شربل: ما عم بسألك إذا بتعرف كلمة الله؟.

أنا: أكيد، ما أنا عم بدرسا.

مار شربل: يا بني، كلمة الله ما بدّا درس، هاي حياة بدّنا نعرف نعيشا.

أنا: ما فهمت؟! كلّ اللي خبرتّك ياه، عم بتقلي هالحكي؟.

مار شربل: يسوع بيقول: "ما تدينو، تّ ما تندانو". كيف بدّك

تعيش كلام يسوع، وعم تطلب مّي جاوبك بغير
طريقا غ أسئلتك؟ أو إنّو بدّك ياني جاوبك حسب

الأجوبي يَلِّي إنتَ حاطط براسك؟. إزا جاوبتك
هيك، منكون عم نعمل يَلِّي وصّانا ياه يسوع؟.

أنا: يسوع وصّانا غَ إشيا كتيري وراح وتركنا
لوحدنا... كتير صعب علينا....

مار شربل: ما تركنا لوحدنا، هوّي دائماً معنا. من ورا نعمة الروح القدس
الساكني فينا... ليش إنتَ عم تكتب هَلّق يَلِّي عم نحكيه؟.

أنا: ما بعرف!.

مار شربل: شيل الورقا والقلم من إيدك، وسمعي منيح!.

أنا: هه، شلتن.

مار شربل: من زمان... واللي منسميه بالعهد القديم، وقتَ ظهر الله
لموسى!...

أنا: رجعنا غَ الخبر القديمي... شو بدّي فين هاو، بشو بفيديوني؟ هاو من
الماضي، خلص راحو!...

مار شربل: يا بني، اللي ما عندو ماضي، ما عندو حاضر ولا مستقبل.

أنا: لوين بدك توصلني؟.

مار شربل: سمعني منيح، شو رح قللك... بالمختصر المفيد.
العهد القديم كان كلو تحضير لمجيء يسوع، من
أول التكوين... لملاخي النبي! ويوحنا المعمدان.
ومتل ما إنت فتت عالمدرسي، وعطيوك كراسيت
الألف بي، وصرت تتعلم سني ورا سني، ت
وصلت لهون... راجع كتبك القديمي، بتشوف شو
نسيت، وشو عاشو بعدك، فايق؟. إنتبه ييني،
إنتبه! وعا!.

- هون بتجي بنتي لحدّي، وبتهزّني هيّي وعم بتقلّي: بابا، يلا بدّنا نروح.
وهيك خلصت أول زيارا. بس مشاهدا بعدا ما خلصت!. بعدا بفكري
وبقلّي.



الزيارا الثاني

طلعنا بالليل مأخّرين عَ الحبسي، وهالمزّا أخذت معي كاميرا. تفاجأت بس وصلنا، بعجقة زوّار. كان نهار بأرضيّة الجمعا، متل ما بيقولو. كَفّينا طريقنا عَ مهل، تَ وصلنا. بلّشت صوّر من بَرّا بالكاميرا الجديد. عم جَرّبا بحيلّا برنامج لازم آخذ في صور منيحا وواضحا. بس وصلت ع مدخل الحبسي، بيوقّف ولد قدّامي وبوجّ الكاميرا، بنطرو تَ يزريح من قدّامي تَ كَفّي تصوير، ما ييزيح. بقَرّب لحدّو وبقَلّو:

أنا: بتزريح شويّ عَمّو، عم صوّر؟.

الولد: لأ... ممنوع هون التصوير!.

أنا: وإنّت، مين بتكون؟.

الولد: أنا بشتغل هون.

أنا: وليش ممنوع التصوير؟.

الولد: أنا ما بعرف، هيك بس قالولي، وما قالولي ليش!.

- هون بتمرق صبيّي، وحسّت حالا معنيّي بالموضوع، وقالت هيّي وماشيّي:

الصبيّي: لأنّو مطرح مقدّس.

- أنا بتفاجأ. بردّ عليا بسؤال:

أنا: ولّو كان مطرح مقدّس؟ ليش ممنوع التصوير؟!

- ما أخذت جواب عّ سؤالي. إحترمت القرار، وكفّيت طريقي لجوّا، يلي ما بعرف ليش معمول هالقرار؟... بعد شويّ، ضَهَرَت، ويمكن تأخّرت لأنّو العيلي خلّصت صلا، وأنا بعدني شي إنّو مبلّش. لقيت حالي مش مثل ما كنت بأولّ زيارا. ما صار حدّيس مع مار شربل، إلّا جملتين، بعترز. أنا وواقف ناظر، بيروح الصبي، وبسمع صوت من جوّاتي بقليّ.

صوت مار شربل: تترك هاي من إيدك، لأتو صُورتا بتعتق بعدين، أو
بتتخزق. صوّر بفكرك وقلبك وبضميرك!

- وإنقطع الصوت!. قتلّو:

أنا: ليش ما حكيت معي هالمرا، متل هيديك المرا؟.

مار شربل: هاك المرا، جيت تكرم الله مع عيلتك، وهالمرا جايي متل السواح
الأجانب!. المرا الجايي، إذا جيت يا بني، بحكيك أكثر،
وبدلك ع الدرب!.

بوعدكن، إتو في حكي كثير مع القدّيس ما بينتهي.

- خلصت الزيارا -



الزيارا التالى

- رحت زرت المحبسى، وهالمرّا أنا وقاعد بالبيت. كيف؟

ما بعرف؟! ما تسألوني؟ كل اللي بعرفو، إني صقيت السيّارا بالساحا، وطلعت دراج الطلعا، ت وصلت قدّام المحبسى اللي حجارا قديمي. حدّ مدخلا كنيسة مار بطرس وبولس. فتت لجوّا، وعّ شمالي كان في تمسال لمار شربل، صليت متل ما كلنا منصلي. وعّ جنب، في فتحا عّ شمالي بالكينسي بتوصّل عّ المحبسى والمزار. فتت عّ الممشى الضيق، ووقفت هونيك بوجّ أول أوضا، كمان عّ الشمال. بالنسي للي جايي من برّا بتكون عّ الشمال، بس للي قاعد جوّا بتكون

عّ اليمين. وقفت وضّرت إتفرّج متل غيري، بس بهيديك الإيام، كانت المحبسى إلا عواميدا، وكانت بيت للنسّاك. حسيت ساعتنا، كيف كانو يعيشو هون لوحدن. قدّا من صليب من خشب، وطاوي زغيري محطوط عليا الإنجيل، وصورة العدرا معلقا عّ الحيط، قديمي كثير، عَمَنِّشْ نحنا عليا،

ت نفّينا عّنا بالبيت ونثباها فيا قدّام صُحابنا. هون، تشّ شعّر بدني، صرت قول لحالي، نحنا اليوم بشو مغيرين عنن. بالجسد؟ متلنا متلن، بالصلا؟ كمان متلنا متلن. لأتو صرت إطلع بحشريّ تشوف شي كتاب

بيقرو أو يبصلو فيه تيصيرو قدّيسين، بركي باخدو منن، بقراه وبصلي أنا
كمان، وبصير قدّيس. بسّ خاب أملّي، وما لقيت يلّي أنا حاطو براسي.
كلّ الأوضا ما بتطلع مترين بمترين، مثل شي حبس. يعني أوضة نومي
أكبر منّا بشي مرتين تلاقي. كيف كانو يعيشو فيا راكعين وساجدين كلّ
النهار قدّام الصليب اللي من خشب، وصورة العدرا القديمي؟. ونحنا البيت
عنّا، ييكون يمكن كبر المحبسي وأكثر، وعنّا غرف غ حَيلا. وصالون
وسفرا ومطبخ وخزانات وتخوتي فرشاتن غير شكل، ومخدّي ما بتشبه أبدًا
مخدّة هالقدّيس اللي كان حبيس!، لأنو مخدّتنا من ريش نعام، بس
مخدّتو شقفة حطب مثل الحجر، وفرشتو بلاس شَعِر وغطاه عبايتو،
قلت بيني وبين حالي: "أف شو صار؟...".

- اليوم قرّرت إنزل غ المكتبي اللي بتبيع صور قدّيسين، وإشتريت صوراً
لمار شربل مش زغيري ومش كبير. قلت بحطّا بأوضتي، وبركي بصير
إحكي معو ويحكي معي. وهيك صار، رجعت غ البيت مبسوط،
حطّيت صورة مار شربل قدّام تختي، ومقاييل عيوني. صرت إطلع فيا وميّزا
كثير تَ يطلع منّي الحكي، بس ما طلع شي. نمت، غفيت، ورجعت
وعيت ثاني يوم بكّير مثل العادي. بس، ما صار شي!.


- إنتهت الزيارة المحليي -



الزيارة الرابعة

هون طلعلنا تقريباََ شي ثلاثين شخص، ورحنا صوب الدير، وكانت الساعا
عشرا الصبح، بلّش القدّاس. فتت من الباب الشرقي، وكانت الكنيسي شبه
ملياني. كفتت طريقي للباب الغربي، أخذت مطرح، وبلّشت صلي. بوجي
كان في الخمس قناطر من حجر، وفوق كل قنطرا، في رسمي ع القزاز، الرسمي
اللي بالنص لمار شربل، واللي ع شمالو، كان القزاز مكسور. بتطلع فوق
المدبح، بشوف صورا كبير لمار شربل. أول ما بشوفا، بيتش شعر بدني.
بيلّش الشماس بترتيلة صلاتك معنا... لوقت ما يبجي القسم الثاني من
القدّاس، وقت تقديم القرايين. بيختار الشماس كم شخص، ويبجمد مطرحو.
هوّي وعم يطلع فيّي، بوميلو بإيدي عم بستفسر؟ يطلّب منّي وبعلامة من
إيدو، ت إجي شارك معن بتقديم القرايين. وهيدي كانت أول مرّا بحياتي،
بشارك فيا أو بينطلّب منّي تقديم القربان. مع العلم، إنو بكل مرّا بكون
موجود عم شارك بالقدّاس، بصير قول ليش ما بيقولولي إلي أنا؟. كلّ اللي
بدّي قلكن ياه، إنو فرحتي كانت ما بتنوصف، والديني مش سايعتني، وشفت
حالي وقت كنت إخدم القدّاس أنا وزغير. وقد ما كنت حابب الوقفي ع
المدبح، نسيت حالي وما كنت حابب إنزل، لوما الشماس طلب منّا ننزل.
وهيك كانت تقديم القرايين طلبي الأول، ت شارك بحياة المسيح السريي. بعد

شويّ، جمل الأبونا المبخرا وصار ييخّر. هون، حسيت البخور عم يُطلع ع
مهلو صوب المصلوب، وصوب صورة مار شربل. ما نطرتني الريحات شِمّا.
فاتت هيّي بسرعا ع أنفاسي وعطيتني نفّس جديد حلو. مم... مم... مم...
ما بقدير أوصفلكن كيف كان هالشعور، هالاحساس متجانسين مع بعض
بريحة العُطر ... طيّبي!.



زیارا مش معروفی

كنت حابب زورك اليوم بمحبستك، بس ما رحت، وما بعرف ليش؟ بدّي إحكي معك من هون، من مطرح ما أنا، من مطرح ما بحسّ إنك حدّي، إنك معي. عم بحسّ بشي من جوّاتي بقلّي أو بياخدني لعندك. حابب نام مطرح ما إنت كنت تنام، حابب إبعُد عن اللي حواليي، إبعُد عن حالي، عن زاتي، عن كل شي بيشغلني عنك. حابب نام عندك بالمحبسي، يا ريت أنا ونايم هلق بتاخدني لعندك، بالحلم أو بالواقع. بيكون نهار من عمري، وعمري كلو بهالنهار. بدّي إحكيك هلق، في كثير إشيا قلّك ياها. إسمعي وجاوبني إزا بتريد، لأتو يلّي بدّي قلّك ياه، ما عم بشوف حدا تاني قلّو ياه، ليش؟ ما بعرف؟ يلّي كانو يسمعوننا من زمان، هلق بطّلو فاضينلنا. صارو مشغولين كثير، مثل ما نحنا كمان صرنا ع شوي ننشغل عن اللي خالقنا - لا سمح الله - اللي بدّي قلّك ياه، شاغلّي بالي ومحيرّني، واللي من حولي كمان، وما عندي جواب إلن. خلّيني إحكي معك هلق، وريّخي.

أنا: يا مار شربل رحمني! ... ساعدني ... وينك؟ عم تسمعي؟ ... ردّ عليّ لو سمحت ... حكيّني! ... خلّصني من سؤالاتي اللي معباين براسي ... وأنا اللي خلقني الله - بشكرو ع هالنعمي - خلقني هيك، خلاّني فكر، وفكر وفكر ... يا مار شربل، كون معي، إحكيّني!...

مار شربل: أنا هون.

أنا: ما عندي شكّ، بس ليش ما كنت عم بترّد عليّ؟.

مار شربل: لو ردّيت عليك دغري، ما كنت سمعتك متل هلق... شو يّلّي شاغلّك بالك؟.

أنا: إنت يا مار شربل، مش بحاجي نقلّك شو بنا، أنت اللي الله كان ناعم عليك بهالنعمي، نعمة القداسي، قادر تشوف قلوبنا متل ما هيّي.
مار شربل: بحبّ إسمعا منك، خبرني.

أنا: مش عارف كيف بدّي بلّش أو من وين؟ ... ما بعرف إزا أنا تغيّرت، أو الأجواء من اللي حولي تغيّرت. بعرف إنّو كل شي عم يتغيّر، وكلّو رايح غ الوادي.

مار شربل: وإنت شو عم تعمل؟.

أنا: أنا، يا معترّ يا أنا... شو قادر أعمل، وكأنيّ تفاحا بصحّارة تفاح مهريّن، مش قادر أعمل شي؟. عم براهنو كلن عليّ، وعم بصيروني متل ما بدّن، ما عم يقدرو! بس ريحة العفني صارت قويّ، وصارت بتقرّف، وكلّ مالا عم تقوا... رح تخنقني!.

مار شربل: وإنت شو عم تعمل؟

أنا: بعدك عم تسألني زات السؤال؟ شو بدّك ياني أعمل؟، فطسان من ريحة العفني، ومش عم بقدر إتعوّد عليا، وهيدا يّلي قاهرني وزاعجني أكثر.

مار شربل: وإنّ شو عم تعمّل؟.

أنا: هيئتّك علّقت عَ زات السؤال!.

مار شربل: يمكن لازم تشيل الغبرا عن زاكرتك، أو بدّك نشيلا سوا؟.

أنا: ليش بعد في زاكرا؟ لا غبرا، ولا صدي ولا جنزار، ما خلّص قُضيو عليا من زمان، أو أنا قضيت عليا، بدّي إرتاح منّا، كانت تابعبتي.

مار شربل: خلّينا نجرب سوا!.

أنا: ما بدّي شكّ وأعمل متل توما ... أنا ... أنا مستعدّ. قلّي شو لازم أعمل؟.

مار شربل: بتزكر نهار اللي عملت في أوّل قرباني وهديوك كتاب الإنجيل؟.

أنا: إيّه... بزكر!.

مار شربل: شو عملت فيه؟.

أنا: قريتو من الجلدي للجلدي، وصرت تابعو بالكنيسي بقدّاس المسا كل يوم.

مار شربل: وبحياتك ع مين كنت متكل؟.

أنا: كنت متكل ع نفسي.

مار شربل: بس؟.

أنا: شو قصدك؟ إئو شو؟ ...

مار شربل: وإيمانك بالله؟.

أنا: إيماني بالله كبير، ما إلو حدود.

مار شربل: وفايق لما معلّمة التعليم الديني بالمدرسي، سألتك كم الله في؟...

أنا: (بقاطعو) إيه، وقتلّا تلاتي: الآب، والإبن والروح القدس... وبيوقتا ما خلّوني أعمل أوّل قرباني لأني جاوبت غلط ع السؤال، وخلّوني للسنّي

الجايي. وبعديني عم بسأل ذات السؤال هَلِّق، أنا كنت غلطان؟. مش
الآب هوِّي الله؟ والإبن مش الله؟ والروح القدس مش هوِّي الله كمان؟.

مار شربل: وبتعترف فين كلن؟.

أنا: أكيد، وهتّي ثلاث أقانيم بِلّه واحد.

مار شربل: هَلِّق منرجعلو هالموضوع، بس الروح القدس كان مرافقك بكل
لحظا من حياتك، عندك شكّ أو بزّرك؟.

أنا: لأ، أبداً. ما نحنا شفنا الويلات من الحرب، وطلعنا منّا،
وبعدنا عايشينا.

مار شربل: وشو يعني؟... يعني إيمانك كلّ مرّا عم بيخلّصك.

أنا: إي، بس... ما بيكفي!.

مار شربل: بيكفي إنك تكون مؤمن. الحرب الموجودي هَلِّق، أقوى بكثير من
حرب القزاييف والرصاص... الحرب هَلِّق، حرب الإنسان مع
زاتو، وحرب الإنسان مع شهواتو وشهوات غيرو، يلّي

بتكّمش فيه وما بتتركو بالهيني، ساعا بتاخدو هيك، وساعا
بتاخدو هاك الصوب، بالإتجاه الثاني.

أنا: طيّب، ما أنا عم بلتقا بأشخاص بيعتبرو هالشي طبيعي، وإنّو الإنسان،
من الطبيعي يمرق بمراحل تجري بحياتو ويختبرها. وفي ناس تانيين، بيعتبرو
حالن ممّيزين عن غيرن، بيشوفو الحياة من منظار ثاني، ويقولو إنن جايين
مرّا عَ هالحياة ولازم يتلّززو وينبسطو فيا، لأنّو ما في شي بيحرز وما حدا
بيعرف أيمتي رح تجي ساعتو؟. وفي ناس بيعسّو حالن إنن مختلفين عن
غيرن، وإنن هني مرهفين الإحساس، وما حدا بيعرف قيمتن، إلّا يّلي
بيكون من جنسن...

(تابع) أنا: يقولو عن حالن فتّانين، وكأنن بهالشي عم بيلاقو تبرير أو عزر،
لأشيا كتيري بيعملوا بإسم هالعالم اللي بيعتبرو حالن فيه ملوك،
وبإسمو بيعملو السبعا... والتماني... وفي... وما بيوعو عَ حالن
إلّا مأخرين... بس يكبرو بالعمر، وينسون الناس...

مار شربل: (بقاطعو) لهون بيكفي... قلّي؟ لوين بدّك توصل؟... أيّ واحد
بدّك تكون؟.

أنا: عم يجرب صوّرلك الواقع اللي عم بيصير بمجتمعنا.

مار شربل: وبعدين؟ إنت أي واحد بذك تكون؟.

أنا: ما بعرف!.

مار شربل: برأيك هيدا هوّي الصّح؟ أو الغلط؟.

أنا: مين بعد بيعرف الصّح من الغلط؟ صاير كلّ شي عم بيصير صّح!...
ضيّعونا وضاعو وضعنا نحنا كمان... واللي كانو ي... يا خوفي من
بُكرا!.

مار شربل: ليش خايف من بُكرا؟ طالما كلّ شي عم بيصير صّح؟.

أنا: أسئلتك صعب... وأنا نقطا بهالبحر... شو قادرا تعمل
هالنقطة
بها المحيط؟.

مار شربل: بعد ما جاوبتني ع سؤالي، ليش خايف من بُكرا؟.

أنا: بيقولو لأتو ما منعرف شو محبّالنا بُكرا!.

مار شربل: إنت شو بتقول؟. راضي عن اليوم، ت تخاف من بُكرا؟.

أنا: قَلَّتْكَ ضايِع، ضايِع!...

مار شربل: حاسَّك ملبَّك وقلقان.

أنا: عم ترجع تزكّرني بحالي وبحالتي، اللي تركتن من زمان. عم بتفتّحلي جروحاتي، مَرَقَ زمن علين، وصارت مثل الأغاني اللي بيقولو عَنّا إنّّا قديمي، مثل " دهشت الدي وسرّب الختيار". بس يسافرو بيحملوا معن ويفتخرو فيا، وبيقولو عَنّا أغاني خالدي. هَلَّقَ هَنّي ما بيغنّوا، ولا حافدين كلمات... هيك صاير فينا، وشو يَلّي بِحَلّيك تكون مرتاح؟.

مار شربل: ليش أوقات، بتسرّح وبتصير تكتب وتجوّد، وأوقات بتبطل تكتب؟.

أنا: لأنّو، في أوقات بيعجيني الوحي وبصير إكتب، وبيصير الخبر يُفَضّي من القلم أنا وعم بكتب الأفكار اللي بتسرّغو من حالو، وبتطبعن عَ الورق... وبعدين بتعجّب من اللي كتبتو. معقول طُلع هيك؟! وفي أوقات، ما بحسّ حالي بَدّي إكتب، ما بكتب، أحسن ما يطلعو بلا طعمي... ليش عم تسألني هالسؤال؟.

مار شربل: حلو كثير... لأنّو وقت اللي ما بتكتب، بتكون مثل هالنقطا
بها المحيط شو بدّا تعمل؟. ووقت اللي بتكتب وبتجود، بتكون
مثل وقتا للّي بتسمح فيه للروح القدس يفوت ع قلبك،
ويحرّكك كلّ فكرك وعقلك وحواسك لفوق. لأنّو المحيط
مكوّن من هالنقط كلاً مجتمعا.

أنا: كيف يعني؟.

مار شربل: يعني الإنسان بطبيعته البشريّ الضعيفي، مُنش قادر يكون دائماً
لفوق، ييمرق بكثير مطبّات بتخلّي فيا يصير ساعا لفوق
وساعا لتحت، بس المهمّ يقطع هالمطبّات ويرجع يوجّه كلّ
كيانو لفوق، لصوب ربّو.

أنا: هالمطبّات هيّ الخطيّي؟.

مار شربل: إذا مشيت بمطبّ قبل ما تفكّر فيه، بتوقع بالخطيّي، وبعدين الله،
هوّي محبّي وتسامح... بيغفر للإنسان اللي بتوب من قلبو. مثل
اللصّ اللي ع اليمين.

- هون إنتهت الزيارا بسرعا -



زیارا مش متوقّعا

- وصلت غَ المحبسي لوحدي بنصّ الليل، الساعا 12.10 الأحد
الصُّبح. لقيت البّوابي مسكّرا. صقّيت السيارة غَ جَنْب البوابي غَ الشمال،
مطرح ما في صورا لما ر شريل، وفي برجكتور مضوّ غَ الصورا.
- هون إجا شين، شافو البّوابي مسكّرا، برمو ورا السيارة ورجعو.-

أنا: مار شريل؟... مار شريل؟... .

مار شريل: شو جايي تعمّل بنصّ هالليل؟.

أنا: جايي تَ زورك وإحكي معك!.

مار شريل: تارك عيلتك وجايي لوحذك بنصّ هالليل، تَ تزورني وتحكي
معي؟!.

أنا: إي، ما في حدا إحكي معو... ما في حدا يسمع... ما في حدا!... ياما
ناس، بيشمّتو فيّي إذا خبرتن... وياما ناس، بطنّشو إنّت وعم تحكي
معن... وناس، السرّ اللي بتحكيين ياه بينشرو غَ حبل الغسيل...
وناس، بيجمّعوك سرارك لوقت الحشرا... يا، ما في حدا... يعني ما
في حدا!.

مار شربل: كلّ شي في ناس، وما في حدا؟!

أنا: وكأنتك متعجّب أكثر ممّي؟ ... وينّي؟ عم نبّش علين بالفتيلي والسراج.

- بهالوقت يلّي أنا وقاعد بالسيارا، بيجي شبّين تانيين، حاملين معن غراضن، بيشوفو البّوابي مسكّرا. بيكبّو غراضن ورا البّوابي، بيعربشو عليا، بياخدو غراضن، ويكفّو طريقن صوب الحبسي، وأنا قاعد عم بتطلّع علين ومستغرب، وبزات الوقت مستحلي أعمل متلن. مستحلي أطلع ع الحبسي، كفي طلوع الضوّ قدّاما. بس قرّرت ضلّني مطرحي، وكفي حواراي مع مار شربل، مطرح ما أنا قدّام البّوابي.

أنا: ليش يا مار شربل بوابة طريق الحبسي مسكّرا؟.

مار شربل: بوابة الحديد مسكّرا، بس البواب مفتوحا! ... البواب مفتوحا.

أنا: ما عم بفهم! عم ييجو الشباب تّ يطلعو لعندك، ما عم ييقدرول! . منن عم يحترموا قوانين الدير، ومنن عم بيعربشو ع القوانين. والقوانين هيّي عدّوة الحرّي.

مار شربل: إِنْتَ هَلَّقَ وِين حاسس حالك؟ حاسس إِنّو البّوابي مانعتك

تحكي معي؟ أو أنا حدّك، وإِنْتَ طائر فوق الحديد؟.

أنا: أنا مَنّي حاسس بشي!... حاسس حالي عايش بحالي ومأخود فيا،
ومبسوط إِيّ عم بكتبا.

مار شربل: خبّرني، شو بدّك تقلي؟.

أنا: ما بعرف شو بدّي قلّك!. كلّ اللي بعرفو، إِيّ حابب إحكي معك،
إقعد أنا وياك لوحدا، وكرمال هيك جيت لعندك.

مار شربل: والصورا اللي إشتريتا من المكتبي، شو صار فيا؟.

أنا: آآآه!... الصورا اللي إشتريتا من المكتبي. حطّيتا أوّل جمعا مقاييلي،
وكانت فرحتي مش سايعتني...

مار شربل: وبعدين؟...

أنا: بعدين قُلبت، وصرت حطّ وراق فوقا وإشيا... تَ صارت مش مبيني
الصورا!.

مار شربل: مش مهم... .

أنا: شو المهم؟.

مار شربل: المهم، تضلاًّ الصورا بفكرك، بقلبك وقدام عيونك.

أنا: ما بقا عم بعرف شي من شي!. كلّ اللي بعرفو، إني حابب نام غ تراب
قبرك، وشّم ریحَتك الحلوي، اللي عم بتعطرّ هوا وين ما بيكون، وبتدلّن
دائماً غ ملكوت الله... عم بحسد هالتراب اللي ضمّك، عم بحسد
حجار محبسة الدير اللي لمست قداستك وطُهرك، وداقت طعم زكابتك،
وسمعت تسييحك وتمجيدك وصلاتك لألله... عم بستفقدلك! عم
نستفقدلك!... صرت بإيامنا هيدي، مثل النوادر، وإنّ من النوادر،
اللي ما بتمرق غ هالديني أبداً... جايي لعندك، وكنت حامل معي هموم
كتيري غ كتافي، بس شفتك، شلحتا، وما عدت شفت همومي.

(تابع) أنا: إرتحت، ونسيت الحالي اللي أنا فيا.

مار شربل: بلّشت حسك عم ترجع!.

أنا: لوين بدّي إرجع؟ بدّي إرسم دِنِي جديدي، صارت حلم ضايع، صارت وهم ملزوقا بالوهن، صارت مستحيل وما بتنطال!.

مار شربل: الإنسان، قادر بكلّ لحظا يحوّل هالقول يَلِي كنت تحبّو كثير: "اللي عندو إيمان قدّ حبة الخردل، قادر يزيج الجبل من مطرحو"!.

أنا: اللي تعلّمناه شي، والواقع المعيش صاير شي تاني... يَلِي عم بيعلمونا، صارو شي تاني، متمودرين (يعني=مودرن، متحضّرين) مع العصر. بيوعظوك شي، ويعملو شي تاني.

مار شربل: عم نرجع غَ زات الخبرّي... إسمعلي منيح يا بني، إنتَ عمول اللي عليك، وما تلتفت غَ دَرَب غيرك!.

- وقّفت، تطلّعت صوب الصورا، سندات راسي اللي حاملو بين كتافي - وأوقات كثيري بيتعني - أخذت نَفَس عميق، وصرت شوف ورا التعب والتجاعيد غَ وجّو، البسمي. إيه، كان عم يتبسّملي، هوّي ومسكّر عيونو، ودقنو البيضا الطويلي... عم تتخيّلو معي الصورا؟... وجّو كلّو ييضوي نور (مش بحاجي لهالبرجكتور اللي حاطينو قدّام الصورا)، ومش تيضوي ع الصورا، تيضوي القلوب المعتمّي، والأفكار المظلمّي... مليون تواضع بصمت

وصمت. مليون طهر وتفاني ومحبي ورحمي و... وين بعد في منن، للأسف عم
بقول هيك، بس هيدا الواقع. هيدا إنسان نادر وجودو... كنت إسمعن يقولو،
إنّا قادرين نغيّر الواقع ونحوّلو مسارو... هلق مش عم بعرف شو كان
قصدن؟، ولا كيف؟! في كثير إشيا بصادفا أو بلمحا، وبصير فكر فيا، بغربلا
براسي، وأوقات كتيري، لأ مش أوقات، دايماً قبل ما نام، بسترجع نھاري -
منشان هيك بتأخر ت نام - وبسترجع معو شو عملت وبقیم تصرفاتي.
وقت اللي ما بتكون منيحا - أكيد ما نحنا بشر، ودرب الحياة، دايماً فيا
طلوع وفيا نزول، ومش دايماً منتصرف صحّ - بصير إتمی تكون الأوقات
معدودي، مثل الدودي اللي ما حدا بيعبّا، ويبقرفو منّا، ت تتحوّل لفراشي
تطير فوق المش منيح، واللي الكلّ بيتمنّو يحملوا ويتفرّجو ع جمالا.

عم بحكي معك من جّوّا، من دون ما إفتح تمّي، وهيدا الصمت اللي بعبّو،
معزّبي. مرّات كتيري بيریحني، ومرّات كتيري بيزعجني، لأنّو قلال كثير اللي
بيعرفو يحكو بلغّتو. - هلق عم بسمّعك عم بتقلّي شي - بس حابب
قلّك، إنّو اليوم نمت ع فرشتي صوب بعد الظهر، وبين النايّم والواعي، شفت
صورا قدّامي لواحد ع الطريق، والصورا قرّبت أكثر صوب صدورو وبطنو،
وشويّ خنجر شكّو من ورا وطلع من صدورو، ونزل دمّ. إنزعجت، صرّخت
وتضايقت، ما بعرف ليش؟ بس يّلي بعرفو، إنّو بآخر هالنهار اليوم، حسّيت
بالحنجر بالواقع، - بدون ما يكون حقيقي - شكّ فيّ. إنجرحت،

إنزَعَجْتُ، صرَّخت، وتضايقت كثير. وكلّ اللي عم بشوفو بنومي، عم بشوفو
أنا ومفتّح عيوني.

— هَلِّقْ عم بسمعك عم ثقَلِّي، روح ... سرّب ... صلّي ... ونام ...
مار شربل: إي.

أنا: أنا، بشكرك ... تُصبح عَ خير.

— إنتهت الزيارة، ورجعت عَ البيت، من دون ما أوصل عَ المحبسي —



يوم أحد

- رحّت اليوم عَ الكنيسي تَ شارك بالديحا الإلهيّي. بسّ، ما حسّيت
حالي مطرح ما أنا، كنت شارد.

مار شربل: بشو كنت شارد؟.

أنا: ما بعرف! حسّيت حالي مع حالي مش متناسقين مع بعض... يّمّا شي
مّي؟ أو شي مش مّي...؟ مش عارف؟.

مار شربل: وقتا رفعة الكاس، كنت بعدك شارد؟.

أنا: وقتا رفعة الكاس، حبّيت إنو كون أنا رافعو، وإرفعو هيك فوق راسي وما
نزلو، بس ما كنت بالجوّ ... كنت شارد .

مار شربل: وشو يلّي خلاّك تشرّد؟.

أنا: شَغلي مش بإيدي، كنت شارد عم فكّر بهيذاك النهار يلّي سافرت في
بزيارا عَ صيدنايا ومعلولا .

مار شربل: وشو يلّي صار معك هونيك ؟ .

أنا: هونيك سمعت خبار، هزّلي بدني، وشفّت شوفات خلّتي إبكّي عَ وقتنا هيدا.

مار شربل: ليش! شو شفت وسمعت؟.

أنا: شفت مؤامرا لمحي وجودنا، شفت إستلشاق لواقعنا. شفت إستهتار بديانتنا وبديننا. شفت!... آه...! شفت تقصير من عنا. هالكلمي بدّا أكتر من شدّي، بدّا تشدّشد منيح!.

مار شربل: ليش؟.

أنا: لأنّا هيّ القادرا توّصلنا لفوق، وهيّ اللي هاملتنا وتاركتنا بين التحت والفوق، واللي عم يبصير كأنّو ما بيعنيا.

مار شربل: شو شفت أو سمعت تَ عم تقول هالحكي؟.

أنا: شفت ديورا مقهورا، حجارا عم تصرخ اليوم عيد الصليب... ما في حدا! كمّ واحد بينعدّو عَ الصّبيع. سمعت عن ديورا مهجورا، صارت زُرّبي للحيوانات، وبعدو المدبح وبعدو الصليب... آخ... متل ما عمّ بقلّك، صوتن بعدو عم بيرن بدينيّ، وصوّرُن صارت محفورا بعينيّ... آخ!...

مار شربل: هيك لازم نتحرّك ونردّا متل ما كانت.

أنا: إي! بس أنا خايف!.

مار شربل: من شو خايف؟.

أنا: خايف، إزا رجعت هالحجارا، تكون راحت البشارا من بين الناس ونفقدن.

مار شربل: طالما الله معنا، والروح القدس مرافقنا، ما حدا بيقدر علينا. خلّي إيمانك كبير ما بيتزعزع.

أنا: إيماني كبير، بس الناس اللي ناظرا، صاير فيا متل ما وقتا نظرو موسى، بس طلع عَ جبل سينا وتأخّر!.

مار شربل: بعد الضيق بيحي الفرج!.

أنا: بس اللي شفتو بزيارة دير معلولا، ما بيطمّن أبداً. دير قديم حلو كثير، مدّخلو زغير وخشب، وساحا واسعا. أرضو من حجر. من بعدو، في الكنيسي اللي كانت من زمان مركز للوسنيي مدمّرا، عمّرو الكنيسي محلاّ، وحسب ما يقولو العلما، إنّا بترجع لسنة 325م.

(تابع) أنا: وهالشي واضح من الخشب المحطوط عَ السقوفِّي، بين السقف والحيطان، كرمال الهزّات. ليك كيف كانو يفكّرو بوقتنا، وليك نحنا كيفنا عم نفكّر هلق! ... بعدا بناياتنا عم تُقشَط من دون هزّات!.

مار شربل: كَمِّي!

أنا: أنا وقاعد عَ مقعد طويل من خشب، كنت مبسوط كثير بشرح هالبنّت. تَ وصلّت لمطرح بالشرح، حسّيت في بالجرح.

مار شربل: وين؟

أنا: لمن دلّتنا عَ أوضا، وشرحتلنا إنّو كان هونيك المدبح. رجعت تطلّعت منيح وين قاعد. طلّعت قاعد عَ مقعد بشي كان إسمو كنيسي!. تأخّرت تَ أعرف، بس بالآخر عرفت وتضايقت كثير... بعد شوي، قالتلنا إنّو فينا هلق نزور المدبح... وهيدا جرح أكبر من هيداك، لما عرفت إنّو المدبح صار مزار!!!. شو بعد في أكثر من هيك؟

(تابع) أنا: مش رح إسمح لنفسني خبرّ شو شفت بالساحا، بس اللي شفتو ما بيشجّع أبداً.

مار شربل: ما تحكم عَ حدا، منبَلَش بالأوّل نصلّح بحالنا.

أنا: أكيد، بس يَلّي شفتو بيخوّف... لوين رايحين؟.

مار شربل: منيح اللي شفت تَ توعا!.

أنا: وبعدي هَلّق مش عم بوعا من هالصدّمي. كنت بحالي وبجوّ ما بقدر
أوصفو، حابب ضلّي جوّا، وبزات الوقت مش عارف كيف بدّي
أضهر بسرعا من هونيك. وبين إنيّ ضلّ جوّا، وبين إنيّ أضهر، ما
لقيت حالي إلّا صُرت برّا ورايح دُغري عَ البوسطا.

مار شربل: لو كان كلّ شي عادي، ما كنت تأسّرت هيك! يمكن هيدي
رسالي إلنا، تَ نضلّ نشوف ونتعلّم، وناخذ درس من يَلّي عم بيصير!.
منشان هيك شَرَدَت؟.

أنا: وبعدي لحدّ هَلّق شارد، ومش عم بتروح من قدام عيوني هالصور!.

مار شربل: وخليّون قدام عيونك، تَ يكونو دخيري بحياتك، تاخذ منّ غير،
وبدورك توصّلا رسالي للي حواليك.

- وهون عَبَقَتْ ريحة البخور، وصارت مثل غيوم قدام عيني. وهون،
تعلمت درس، وإنشالله تكونو رافقتوني بهالدرس، وعرفت إنو
بأوقات كتيري، منكون موجودين بجسمنا هون، وبزات الوقت ما
منكون بفكرنا وإحساسنا، وشعورنا وعقلنا، مرافقين جسدنا، يعني
مش هون!. وبأوقات كتيري، منروح ع القدّاس ومنرفع راسنا، شي
كتير حلو، بس ع مين؟ ومنربح ربنا جميلي، إنو نحنا جينا لعندك،
عملنا واجباتنا معك، ويّا منفلّ قبل ما يخلص القدّاس، وقبل ما
ناخد البركي، لأنّو حدا تلفلنا، أو حدا ناظرنا ع الغدا، أو حدا
جايي لعنا، أو، أو، أو... وهلق صار دورك إنت يا ربّي، تستجيب
لطلباتنا!... إنشالله ما تنعاد هالحالي ولا مرّا...!

- خُلص القدّاس -



زيارا سريعا

- اليوم الأحد، طلعت أنا وعيلتي الساعا عشا الا تلت بهالليل، عَ مار شربل (وهون منقول مار شربل، لأنو ضيعة عنايا صارت معروفى بضيعة مزار القديس مار شربل). نزلت عَ المفرق، ما بين المحبسي والدير، وكملت لوحدي طلوع عَ باب المحبسي. أخذت معي شي عشر دقايق طلوع بهالعتمي، والضو نايس ع الطريق، أنجأ شوف دعسات إجريي. وصلت ع مدخل باب المحبسي، مطرح ما وقفت هيديك المرّا، يعني عَ البوابي التحتانيي، مطرح ما في صورا للقديس، والبرجكتور تحتنا. وقفت صلّيت الصلا الربانيي، وبس جيت تَ أقعد عَ الحقي، بشوف شمع بعدن مضوّاين قدّام الصورا، بقرب لحدّ، ما بلاقي غير قرميّ زغيري من شمعا دايبى، والفتيلي فيا مئطوشي، بحفتر يايدي، وبقرّبا عَ الشمعا الوالعا. شويّ يايدي اليمين، وشويّ يايدي الشمال... ولعت!!! حطّيتا حدّ بقيّة الشمع. قرّبت تَ إقعد عَ الحقي، بلاقي شقفي زغيري من شمعا مزتوتي عَ ترابات الحقي، باخدا بضويّا وبحطّا حدّ إخواتا. ويرجع بقعد عَ الحقي. هون بسمع صلا، " السلام عليكى يا مريم..." يقرّب الصوت مّي، بتطلّع، بشوف نسوان تنين، لا كبار بالعمر ولا صغار، ماشيين حدّ بعضن، عم يوصلو المسبحا. حلو كثير، مش هيك؟.

اليوم ما صار حوار مثل العادي. بس أنا وواقف قدام صورة مار شربل،
حسّيت بتعاير وجّو. حسّيتو مستغرب، أو عم ييتسم أكثر من آخر مرّا.
ليش مستغرب؟، يمكن لأنّو صرت عم بتردد أكثر من قبل لعندو، وبلّشت
غير بطريقي، أو بطريقة صلاتي، صرت خفف الصلا أو الحكي، وكتر
تأملات من جّوّا. صرت بطّل أطلب شي إلي، وإبعد عن الأنانيّ اللي كانت
مرافقا صلاتي، لأنّو بيكون عارف بكلّ شي. ويمكن عم ييتسم أكثر ومبسوط
لأنّو حاسسني عم يرجع... عم يرجع صوبو!. ما طولو عيلتي ورجعو.
طلعت معن بالسيارا لفوق، غّ دراج المحبسي. نزلو شربو مّي وسقيوني، وأنا
وراجع، نزلت من حشريّتي ت شوف القرميّي وشقفة الشمعا، إذا كانو بعدن
والعين... وكان ظيّي بمحلّو!!! ... بعدن والعين، بالرغم من كلّ شي!...
بعدن والعين!.

- وهيك إنتهت الزيارا بسرعا، ورجعنا غّ البيت. وصور الشمعات بعدن

بعينيّ -



نهار جمعا

- اليوم نهار الجمعا الصبح. جايي لعندك أنا وإبني الزغير، يلّي كلّ ما يشوف صورتك، ييلقطا ويبوّسا، من هّوي وزغير قبل ما يصير عمرو سني. هلق صارو سني وتلات تشهر. اليوم، هّوي حصّتي، لأنّو إمّو بتعلّم، وأنا كان عندي موعد بكّير ع مفرق جبيل. من وقتنا ما أخذت الموعد، وحاطط براسي إجي زورك، إقعد وإحكي معك. مع إنيّ ما بخفي عليك، تردّدت شوّي، خاصة إنيّ مّي نايم منيح، يعني بدّك تقول بين النايّم والواعي.

أنا: صباح الخير.

مار شربل: يسعد صباحك.

أنا: اليوم شايفك عاقد جبينك، خير شو باك؟.

مار شربل: بعدني يا بني متل ما أنا، رجاع تطلّع منيح!.

أنا: هه! هلق وجّك عم ييتسم... يا مار شربل؟.

مار شربل: إيه يا بني، قول!.

أنا: شو السر وقتنا قول بدّي إجي لعندك، أنا وع الطريق، بيطلع الحكي براسي؟ وأنا وجايي، قبل ما أوصل ع المحبسي، في كواع كتيري، وأنا ما بحب الكواع، بس بتمرق وما بحسّ فيا، لأتو ما بكون شايف غير صورتك قدامي.

مار شربل: الكواع كتيري، بس الطريق وّحدي... هّي يلي بتوصل!.

أنا: وليش بس أوصل لعندك، بيتغيّر الهوا؟.

مار شربل: شي طبيعي، لأتو هون صرت بالجبل، الهوا هون بعدو خام ونقي.

أنا: إي، بس قصدي أنا غير هيك!.

مار شربل: شو قصدك؟.

أنا: تحت شوب وفطيس، بينقطع نفّسو الواحد. وبس نُطلع لفوق، لهون، منكون بغير ديني.

مار شربل: هلّق فهمت عليك... إنشالله تكون هاي حالة كلّ واحد منّا.

أنا: حالة التحت، مختلفي عن حالة الهون... حالة التحت، فيا أولويّات كثيري، والمهمّ قليل. بعكس ما كانت من زمان، المهمّ والأولويّات ييلتقو مع بعضن، والمش مهمّ قليل.

- هون، طُلع صوات عم بترّتل، يمكن في قدّاس. بحبّ كثير إيّ شارك، بس إبنّي غافي بالسيارا. رح جرّب أنا وواقف قدّام صورتك غ مدخل المحبسي، مثل العادي، صلّي معك بطريقا مختلفي. إنشالله تكون صلاتي مقبولى، وبركي بدل المناولي، وبشفاعتك عند يسوع، بتعطيني البركي زوادي، آخدا معي أنا ورايح.

مار شربل: كلّ شي بمجّد الله، بكون صلا مطرح ما بتكون يا بني. بالبيت، بالمدرسي، بالحقلي، بصوتك، بفكرك وبقلبك.

أنا: بس علّمونا، إنّو الصلا قبل النوم، ونهار الأحد بالكنيسي.

مار شربل: وأنا بقلّك، الصلا بكلّ لحظا من حياتك، بفكرك وبأعمالك. بتمرق شي لحظا ما بيشغل فكرك فيا؟.

أنا: لأ.

مار شربل: وهيك الصلا بيكون.

أنا: بس يا مار شربل، التحت، مطرح ما انا عايش هلق، المهمّ عندن، شو
مناكل؟ شو منلبس؟ ومن وين؟ بأيّ مدرسي؟ وشو الشهادي اللي
معنا؟ ومع مين منحكي؟...

مار شربل: يا بني، اللي تحت بيضلّ تحت، واللي فوق بيطلع لفوق.

أنا: هّي بدّن الواحد يكون معروف، يكون عندو مركز إجتماعي، بيتعاطى
الشأن العام، وبس يجي ع الكرسي، يا سُبْحان الله، بيصير واحد ثاني. وإزا
غُلط، بيسامحو، أو ما يغلط حسب رأيّن. والمعروف كلن بيحبّوه،

(تابع) أنا: ويبركضو ت يحكو معو أو يتصوّرو معو. أو بيكون متروك مُهمّل، ما
حدا بيتطلّع فيه.

مار شربل: إنت، شو بتفضّل تكون؟.

أنا: أنا؟... إنّو حلو الواحد يكون عندو معجبين وعائش بهيك جوّ، محبوب،
أكيد مش متروك.

مار شربل: الإنجيل يقول: (من إتضع رُفع، ومن إرتفع وضع متى
12:23...).

- بيدق السلولير، بوقف ت ردّ. مخابرا قطعلي جبل أفكاري. ()
بعرف شو عم بتقولو، ليش ما بتطفي السلولير؟ ما بقدر، بضلني
قول بركي حدا من العيلي أو من الأصحاب عايزني بشي
ضروري). وبين التحت والفوق، في فرق كبير، وبين الفكرا
والسلولير، ما ييمشي الحال، منشان هيك رح إكتفي بهالقدّ، مع
إني مش مقتنع إنّو الحوار بوقف هون. وهيك رجعت فليت، من
دون ما إكتب شي.

- خلصت الزيارا -



زيارا مهضومي

- نهار أحد، طلعت أنا ومربي عَ المحبسي، وهالمزّا كُنّا لوحدا، وكانت الساعا شي عَشرا ونصّ بالليل. ومثل العادي، أنا وطالع، صارو يطلعو معي الكلمات لفوق، من مطرح في شوب، لمطرح في برود وهو نقيّ. وصلنا لقدام باب المحبسي الحديد، كان مسكّر. لأتو الوقت كان مأخّر. بسّ، كان في سيّارات واقفين، مطرح ما بوقّف بالعادي، قدام الصورا. سيّارا مش جديدي، وكان في صَبَيْن ورجّال. بعد شووي، شفتو حاطط بطاqa عَ صدورو، عليا صورة مار شربل. من هون، عرفت إنو هوّي، واحد من المسؤولين هونيك. تطلّعت منيح بصورة مار شربل، وهالمزّا ركّزت بتعاير وجوّ، كان عم ييتسم فوق العادي، حبّيت! ما بعرف ليش؟ وسألّو بصمت.

أنا: ليش؟.

- جاوبني كمان بصمت، من دون ما حدا يحسّ من حواليي وقال.

مار شربل: مرتاح.

أنا: لأني عم يجي دائماً؟.

مار شربل: لأنن عم يقربو الحيات أكثر من قبل.

أنا: إي، مش منيح؟.

مار شربل: كتير منيح، هيدا دليل عافى، وقوة إيمان... كفى.

أنا: اليوم، حسيت بوجك مبسوط أكثر من قبل.

مار شربل: اليوم، إنت صرت مرتاح أكثر من قبل.

أنا: يمكن هيديك المرأ، ما حسيت حالي بمطرحي!.

- هون، فقت وانتبهت إني مني جايي لوحدي. ويمكن الشخص اللي
معي ما بيعب لغة الصمت، يلي أنا بحبأ أوقات كتيري، وبتألم فيا
، لأننو ولا مرأ سألت حدا، إزا كان بحب لغة الصمت. لأنو لغة
الصمت عويصا وفلسفي! شوي طلع صوات ضحك من كعب
النزلي. طل علين الرجال وقلن بجدي:

الرجال: يا شباب، شو بنا؟ ما قلنا لكن إزا بتريدو في ناس هون عم بيصلو؟.

- بهالوقت، كان واحد من ولادو عم ييعربش عَ الجَلِّ حدّ الصورا،
ومعو قنيتين مَيّ، عم يسقي فين الشتل والزهور. ونحنا بعدنا
بالسيارا قدام البّواي. شويّ، قَرَب لحدّنا الولد الزغير. سألّو:

أنا: عمّو؟ إنتو كلّ يوم بتجو لهون؟.

الولد الزغير: لأ، بس منجي جمعا وسبت، لأنّو عنّا مدرسي ما منقدر نجى
غير نهار.

- راح لعند خيّو. صارو يحكو مع بعضن ويضحكو. شويّ، حَمَل
مبخرا، ولّع فحمي وحرّق بَحْورَ فيا. وهون، غَمَضَت عيوني، وكان
بُعِيد عَنّي مسافة شي عشر متار. بهاللحظا، طلعت ريحة البخور
من بُعِيد عَ راسي. قَلَّتْلو بمزحّا.

أنا: تعا بَحْرنا.

- صار يضحك الصبّي الزغير هوّي وخيّو. رجعت وقَلَّتْلو مرّا ثاني.

أنا: تعا بجرّنا، شو باك مستحي؟.

- قَرَب صوبي أنا وفاتح شبّاك السيارا، ووقّف قدامي. قتلّو:

أنا: يلا، شو باك، ما بتعرف ترسم صليب فوق راسي؟.

الولد الزغير: لأ، هيك... مِدّ إيدك، هيك... (بمعنى إنّو، ضُبّ كَفّ إيدك،
وسْحَاب دخنة البحّور لصوبك، وصلّب).

- عَمِلِت متل ما قلّي.

أنا: هيك؟!.

الولد الزغير: إي....

- ورجع الصبي راح عم يضحك مع خيّو، وأنا ومرتي عم نضحك

كمان، مبسوطين منن. وحسّيت هون، إنّو القداس يلّي ما شاركنا

فيه بالكنيسي، شاركنافيه بمجيتنا لهون. وكانت زيارا مهضومي
كمان.

- إنتهت الزيارا، ورجعنا ع البيت -



بريشة الفنانة ميرنا صليبي

وينك؟

- اليوم الأحد، مرّق وقت كثير من آخر زيارة أحد. طلعت أنا وعيلتي بعد الظهر غ عنايا، مَسَوِيَّات.

أنا: الله معك.

مار شربل: الله معك... وينك يا بني؟.

أنا: كَنت... كَنت عم ملم وراقي ونَقْض الغبرا عَنّ.

مار شربل: رجعت تُحَنِّلَن؟... حَنِّيت ع الكتّابي؟

أنا: ما بعرف!.

مار شربل: مين بيعرف؟.

أنا: أنا ما وقّقت الكتّابي بس!.

مار شربل: بس شو ؟.

أنا: أنا بحبّ ساعد، ونطلب منّي، وما حبّيت قول لأ. وبعدين شو فيا إزا
كان الواحد ماشي بطريق الفن النضيف؟.

مار شربل: ما حدا قال عكس هيك! بس إنت كنت قايل إنك ما بقا رح
ترجع لها لأشيا.

أنا: مزبوط. وكنت مسكّر ع الموضوع ع الآخر.

مار شربل: ندمان هلق لأنتك رجعت؟.

أنا: ما بعرف شو بدّي جاوبك. صرت معني بالمواضيع كلاً. كأنا حرّكتني من
جوا كّلني. كأنا كان شي فيّي نايم من عشرين سني ووعي. ساعات عم
بعزّني، وساعات عم بيخليني طير لحالي مع كتاباتي وأشعاري.

مار شربل: كرمال هيك ما عدت شفتك هون؟.

أنا: إيه ... وهيدا الشي، من الأشياء اللي كانت مضايقتني. بس كنت ع
طول معي. ما تفارقني. وكتبت ترنيمي عنك، حبّيتا؟.

مار شربل: إيه!.

أنا: بس إيه؟! حَبِّتَا أَوْ مَا عَجَبْتِكْ؟.

مار شربل: منيحا.

أنا: ما رح إِسْأَلْكَ أَكْثَر عَنَّا. عَظِيْتَا مَلْحَن تَ يَلْحَنَا.

مار شربل: فايق آخر مَرَّا كيف كنت، بآخر زيارا؟.

أنا: آخر مَرَّا كنت بعدني مَبْلَش وعم يوعا فيِّي القلم اللي كان نايم. بس خايف!.

مار شربل: من شو؟.

أنا: خايف من هالقلم يوَلِّدلي الألم.

مار شربل: طالما قلمك ماشي بطريق صحيح، وما بتكتب إلاّ خطوط واضحا وجالسي، ما بيوَلِّد هالقلم ألم... بآخر زيارا، كان عندك قلق.

أنا: كنت عم بسأل حالي كيف تَ رَجَعْتَ عَ الْجَوِّ، وصرت عم بكتب بكل يوم وبكل لحظا ... بعترز، شَرِدْتَ اليوم وأخَدْتَكْ معي.

مار شربل: أنا بعدني مطرحي، بس منيح اللي عم تحكي عن وجَعَك.

أنا: منيح تفوت معي من باي، وبالأخر تطلّعي من بابك، أنا بتمنى هالشي،
وبتمنى كمان هالوجع اللي قَيّ يروح وما يرجع، يا ريت.

مار شربل: الألم المجهول بالكلمي اللي بتطلع من جّوّا، بيعطي فرح. خاصة،
إزا هالكلام بيكون لتمجيد الله. يتمجّد اسم الله.

أنا: كل لحظا وكل دقيقا.

مار شربل: كيف عيلتك؟... شو! تفاجأت؟.

أنا: بدّك للصراحا، إيه. هاي أوّل مرّا بتسألني فيا عن عيلتي ... الحمد لله
وبشفاعتك مناح. وإنت بتعرف إنن مجبوك كثير.

مار شربل: بتعرف منيح إنّو بيتك يعني الكنيسي، وإتّك إنت وعيلتك قدّاس
الحياة.

أنا: كيف يعني؟.

مار شربل: يعني، ما بتخالفو أبداً تعاليم الكنيسي، وما بتكونو بعاد عنا. مثل
ما العدرا ومار يوسف، كانو عيلتو ليسوع. إزا خلّيت هالفكرا

براسك وتمعنت فيا منيح، وعملت فيا مثل ما بتنفهم. ما تخلي
شغلك، يشغلك عن عيلتك. مثل ما إنت بحاجي دايمي
للمي، هتي كمان بحاجي دايمي إلك، عطين من وقتك.

أنا: الوقت، عم يمرق بسرعا جنوبي. من شوي كان أوّل مباح ومباح ...
خلصو، وصرنا اليوم. واليوم صار من الماضي، شو رح نخلي لبكرا؟.

مار شربل: كل المنيح اللي عم تعملو بكل يوم، عم بيكون إسمك محفور عليه.
أنا: بس، بيضل ناقصك شوية معنويات ت تضلك قادر تكفي بالمنيح.

مار شربل: ناظر المعنويات تاخدا من الأرض؟ إي، شو بدّي قلّك يا
بني! خايف ما تطول نظرتك كثير!.

أنا: إزا ما أخذت معنويات من اللي عم يتلقو هالمنيح، كيف بتستمر؟.
مار شربل: إزا كنت عم تعمل منيح ت تنظر بالمقابل، بقلّك من هلق ... ما
توجّع راسك!.

أنا: فهمت شو قصدك، بس مش هيدي نواياي! ... اللي كنت عم
بقصدو

مار شربل: (بقاطعو) فهمت كثير منيح شو إنت قاصدو، بس اللي ما عم تفهمو عليي، إنتو الناس أجناس، ما يشبهو بعضن ... يعني، متلاً...

أنا: (بقاطعو) متلاً إنت، الحياة اللي عشتا، ما حدا عاشا أو كان عايشا...

مار شربل: يا بني... كتار عاشوا، وأنا تعلّمت متن. شوف أوّل الحبسا، كان مار بولا ومار مطانيوس، يلّي رهبنتنا عَ إسمو!.

أنا: إخترت يكون فراشك بّلاس من شَعْر، ومحدّتك قطعة خشب ملفوفي بعبايي عتيقا، وعَ جسمك كان لحافك لِسْ المِسح (شقفي من شَعْر المعزي، فيا شَقَف حديد مشبكي).

مار شربل: (بقاطعو) يا بني، كل إخوتي كانو عايشين متلي...

أنا: بس! إنت طلعت قدّيس!.

مار شربل: كلّن قدّيسين، وإنت كمان قادر تكون قدّيس.

أنا: قدّيس!! أنا؟!... كيف?!

مار شربل: مطرح ما إنت موجود، مُحيطك، بعالمك،

بيتك، مع عيلتك، بعلاقتك مع إخوتك البشر،
فيك تكون قدّيس، وكلّكن مدعوّين تكونو قدّيسين.

أنا: بس طريق القدّيسين صعب كثير، وخاصةً بوقتنا هيدا، بهالتطور
وبهالعصر، عصر السرعة!.

مار شربل: ما في شي هيّن، وبزات الوقت ما في شي صعب، وقت
الإنسان بينوي ع الخير، ويحطّ
الهدف قدّامو، ويمشي ع الركائز الأساسيّة يلي بيرسما
بفكرو وبجسّدا بأعمالو.

أنا: شو عم بشتاق لهالكلمات ولهالعبارات البتودّي ع طريق الخير.

مار شربل: هاو، موجودين وين ما كان، فيك تلاقيون وين ما كان.

أنا: وين؟! دلّني وين موجودين?..

مار شربل: بس تكون عايش بالحجّي، بتكون عايش بسلام، بتلاقي هالكلام
بقلبك، وبقلب كلّ واحد بتلتقي في بطريقك.

أنا: رح وقّف هون، وضلّني سكران بهالكلمات لأنّو حكيك، مثل الخمر
العتيق اللي بيدوقو، بيدوب فيه ويسكر.... وحاب ما يخلصو، ت
ضلّني عم بتعطرّ بهالجو.... تصبّح عّ خير... تصبحو عّ خير.... .

- خلصت الزيارا -



القديس شربل مخلوف

١٨٩٨ - ١٨٢٨

صورة شمسية لخادم الله الراهب اللبناني الحبيب بين خمسة أشخاص ظهرت في عدسة المصور
بطريقة عجيبة يوم ٨ أيار سنة ١٩٥٠ أي بعد وفاته بأحدى وخمسين سنة وأربعة أشهر وخمسة عشر يوماً

نهار أربعاء

- في إلنا صديقاً، كانت كلَّ 13 من الشهر تزور مار شربل. هونيك مرّاً، طلعت أنا وإياها سوا، وكان نهار أربعاء اللي بيقلو عنو بنصّ الجمعة. إشتركنّا بالزبيحا الإلهيّي الساعا 5 بعد الظهر، بالكنيسي الزغيري. وبعدين طلّعنا عَ المحبسي. أنا وهونيك، شفت مار شربل بعدو قاعد مطرحو وقنديلو شاعِل. وهوي بعدو عم يُقرا بالإنجيل. والهوا عم ييمرحج القنديل. قتلّو:

أنا: في سقعا كثير وهوا قوي، سقعة كوانين. ليش يا بونا مش لابس عليك غير التوب والإسكيم؟!

- مثل العادي، مار شربل بس يكون عم يُقرا بالإنجيل، ما بيسمع ولا بيتطلّع بيّلي عم يبصير حواليه. هون، تطلّعت فيه منيح ونطرت، بركي بيعليّ راسو عن القرابي شويّ، ويحكيني. بس هالشي ما صار. وبما إنّو هالصديقا معي، ما حيّيت أحرّاً، أو نطّرا، لأنّو بالنهاي، مش رح تعرف شو عم يبصير بيناتنا، ولا رح تعرف!.

كفّينا طريقنا لجوّات المحبسي. زرنا أوّل شي الكنيسي، وبعدين كفّينا صوب غرف المحبسي. وقفّت قدّام غرفة مار شربل، وصرت

مَيِّزَا منيح، وطلع قدامي قالب سكب الشمع المن حديد، يَلِّي كان
يعمل في شمع. ليش اليوم بالزات طلع بوجِّي؟ مش غير نهار، ما
بعرف!، ما عندي أيّ جواب، شو المقصود؟ كمان ما بعرف.
ليش الشمع بالتحديد، ما كنت إفهم. إنشالله عن قريب إقدر
إفهم، أكيد قريبًا رح إفهم. خلّصت برمتي، ورحت ع الغرني،
مطرح ما نقلو لمار شربل بس صار معو فالج. شفت الرّجال
المسؤول يَلِّي كان هيديك المرّا. بس اليوم، ولادو ما كانوا معو.

أنا: مسا الخير.

المسؤول: سلام الربّ معك.

أنا: كيفك؟.

المسؤول: لحمدالله.

أنا: شو هامرّا ولادك مش معك؟.

المسؤول: إي، عندن درس، وبيكرا مدرسي.

أنا: وانتَ لأيِّ ساعا بتضلّك هون؟.

المسؤول: 10.30 أو 11 حسب.

أنا: وما في حدا ينام هون؟. (كنت عم بفكّر بيني وبين حالي، نَملي شي يومين تلاقي هون).

المسؤول: لأ، ممنوع. في مطرح تحت، حدّ الدير. ويبضلّ في ناس من الأمن بَرّا. وكلّ ليلي من عشّي، بيجو الرهبان بيصلّو لطلوع الضوّ.

أنا: بدّي إسألك، هالأوضا شو؟.

المسؤول: هيدي الأوضا، بـ16 كـ1 1898 ، وقتا كان مار شربل عم بيقدّس، وصار معو فالج، وقلب

(تابع) المسؤول: قدّام المذبح. جابو عَ هالأوضا، لأنّا كانت أدفا شي بالمحبسي، وما كانت هيّك معمرّا من قبل. وضلّو فيا 8 إيام، قبل ما ترك هالديني، يعني بـ 24 كـ1 1898، بليلة عيد الميلاد.

- خي، في أحلا من هيك نهار الواحد، يترك هالأرض تخلق من جديد مع ميلاد الربّ!.

أنا: طيّب، وليش حيطانا سود؟.

المسؤول: هيك، ما بعرف. أنا وقت اللي جيت، كانو حيطانا هيك.

- أكيد هالأوضا حيطانا سود، لأنّ كانو يشعلو فيا.

من بعد ما ودّعناه، فلّينا. نحنا وبّرا، صرت أنا وماشي إدعس عّ البلوط، يلّي صار يطأطء ويتكسّر تحت جريّ. وصلت لحدّ الصورا قدّام المدخل للبّواي الرئيسيّ، وشفّت مار شربل، كان عم ييتسم، وبزات الوقت ما بعرف، ليش حزين؟! ما طوّلت كثير، كمّلنا طريقنا عّ البيت.

وهيك خلصت زيارة نهار الأربعاء .



زيارا مختلفي عن غيرا

هالمّا غير كلّ الزيارات. لأنّنا كانت بكوانين، وبسقة تلج بتقصّ المسمار، وبشتي، وناس كتيري مكنكي ببيوتا. شي منّ، مدقّين ع الشوفاج، ومنّ ع الصويبا، ومنّ ع الكانون. والبّقوي، لا هيدي ولا هيديك، يعني ما عندن شي تيتدقّو... وما حدا بيتطلّع فين!.

أنا وطالع مع عيلتي نهار الحدّ، ع الطريق، ما كان يطلع شي براسي، ما بعرف ليش كانت أفكاري مشتّي؟ ما بعرف!. بس الأفكار كلّ موجودي مطرحا، ما بتفارقني وبتضلّ ملازمتني مثل خيالي. ضلّيتني هيك، ومع شويّة مناكفات بين الولاد مثل العادي، وصلنا ع كُفرسما - عنايا - دير مار مارون. وصلنا مأخّرين ع القدّاس. وبين طقس برّا وطقس جوّا (جوّات الكنيسي)، كان الطقس كتير دافي، دافي بوجود لهث روح المؤمنين يّلي عم بيشاركو بالدييحا الإلهيّ، ودافي بحرارة المصلوب وجسدو ودمّو (الخبز والخمر) ع المذبح. والشموع، اللي منوّرا الخيالات اللي بتكون فيا مطرح معتمّي. كل الوقت، كانو عينيّ ساعا ع المصلوب، وساعا ع صورة القدّيس، اللي حجما كبير بقلب الكنيسي، وحجما كبير بقلوبنا. وهون، ما بعرف ليش إجتني صُور المؤمنين بدير مار

يوسف - بمونتريال - كندا. هيدا الدير، دير كبير، ومطرح حجّ معروف كثير للمؤمنين ولكل الناس. وقتا شفتن بطقس مثل هالطقس. من أوّل طريق الدير، وكلّ واحد حامل بإيدو مسبحتو، عم بيصلّو، وعم يمشو هّي وراكعين صوب الدير، يّلي فيه حوالي 400 درجة طلوع، عم يمشو هّي وراكعين. سقعا ما بتقلّ سقعا عن هون، وشتي قوي كثير. نحنا معنا شماسي حاملين فوق راسنا تّ ما نتلي شتي، وهّيّ ما في شي فوق راسن ولا حوالين يحمين من الشتي. كلّ واحد منّ رافع راسو صوب ربّو عم بيصلّي ويهّلّل. حبّيت كثير كون واحد منّ، حبّيت صلّي عّ طريقتن، هونيك، هون، وين ما كان. وإيام كتيري، وأوقات كتيري، بتجيني الشهّي، مثل ما بتجيني الفكر، إفترش الأرض ونام قدّام المذبح عّ بطني، ووجّي صوب المصلوب، وإيديّ مفتوحين عّ طولن. وضلّني هيك شي نصّ ساعا. بسّ بخاف يشوفوني الناس ويصيرو يدّلّو عليّ. ما يفهموني، وصير أنا إستحي. ليش يسوع إستحا فينا؟. كان رايح عّ الدرب اللي رسملو ياها يّو، عّ موتو الجسدي، وكان حامل صليبو معو، وتمسمر ونصلب علّيه، من بعد ما نضرب ونهان، ونجلد ونسلخ جلدو، وما خاف. شرب كاس المرّ، وما استحا!!.

(خلص القدّاس، تناولنا وبقينا وشكرنا، ورحنا صوب باب المدخل
الرئيسي للمحبسي، مطرح ما صورة مار شربل عم تبارك المؤمنين
بإسم يسوع).

بلّشت ضيّع، بلّشت خَرَف. هون مش متل بَرّا، وبرّا مش هون يا
مار شربل، وينك؟ ردّ عليّ! شو يّلي عم يبصير؟ شو يّلي عم بتطلبو
منا؟ ليش بدك تردّنا؟ ردّ إلن، ردّن هّي، ردّ يّلي عايشين برّا
هون، ردّن! ردّن إلن!. وكأّو صوت مار شربل، مرق متل نسمة الهوا
بدينّي ت يقّلي كلمي وحدي.

مار شربل: إنت!.

أنا: شو؟ ما فهمت، قلّي! فّهمني؟.

مار شربل: بلّش بحالك إنت.

أنا: الحمد لله حكيت معي، بلّش بحالي أنا؟ هه! ... أنا، صرلي قدّيش ناظر
ت تحكيني وتردّ عليّ بعد هالغيبي، وينك؟... ما أنا كنت عايش من
زمان، هلق صرت عم

بعيش، وإنت عم بتطلب مّي إرجع كون عايش ... عم

ترجع تردّني لورا!...

مار شربل: مَرَدَّكَ لخلاصك.

أنا: خلاصي! وين خلاصي؟.

مار شربل: خلاصك مع يسوع المسيح، خلاصك بيسوع المسيح.

أنا: وأنا ما عم بوقّف صلّيلو، وصلّي كل يوم.

مار شربل: ما بيكفي يا بني. صلاتك قبل ما تكون من تمّك، لازم تبليش من روحك، من قلبك، من فكرك وعقلك. صلاتك لازم تكون بأعمالك، ويكون يسوع محور حياتك كلاً.

أنا: عم تحكيني وكأنتك مش عارف بيّلي عم بيصير برّات هون. هون، منكون كلنا قدّيسين، وبس نترك هون (جوّا)، ومنصير برّات هون، مننسى كل شي عن هون، ومننسى هون، ومن صير نحنا اللي عم بخبرك عَنّا.

مار شربل: برّات هون، هُوَ إِنْتْ، وإِنْتْ هُوَ.

أنا: عم تحكييني بعمق وألغاز، وأنا صاير راسي مش عم يفرز كثير، ومش قادر
حلل!.

مار شربل: بلّش بحالك يا بني!.

أنا: بس أنا ميّتي قدّامن؟.

مار شربل: البحصا بتسند خايبي، والأساس بيحمل البنائي. ونقطة المي بس
تجتمع مع غيرا، بتصير بركي ... فيكن تحوّلوا لبركي.

أنا: ببركتك يا قدّيسنا، بشفاعتك عند يسوع.

مار شربل: برجع بقلّك، خلّي محور حياتك يسوع. وقت اليكون يسوع
بقلبك، ما بتعود تخاف من شي!.

أنا: خايف من بُكرا!.

مار شربل: ما بتعود تخاف من شي! عيش اليوم... وصلّي اليوم، وسعّي
بكلّ جهدك، وتترك الباقي ع ربّك.

أنا: شو هالسحر اللي عندك! أنا كل ما كون بوضع حرج،

وبتكون أفكاري مشتّتي، إنْتَ وحدَكَ بشفاعتك عند

يسوع، قادر تجمّعلي ياهن صوبو، صوب

الله... رايح من هون، من عندك، معبّا، مخزّن،

محصّن قدام كل مُغريات هالديني كلاً... بخاطرك.

- كلّ هالحوار صار بلحظا. أنا وواقف بالسيارا مع عيلتي قدام صورة

مار شربل. تركنا المحبسي ونحن وراجعين ع البيت، لاحظت

بتعاير وجوّ، كان عم يتسملني.

وهيك، خلصت هالزيارا اللي كانت مختلفي عن غيرا.



اليوم،... مَشُوْ معي

أنا: آح!...

مار شربل: شو جابك يا بني بهالساعا؟.

أنا: أنا عم بتطلّع فيك، كيفك إنت قاعد بعدك هون برّا بهالسقعا؟. عم تفاجئني!، لأ، مش عم تفاجئني!... اللي ما بيعرفك بيتفاجأ!... اللي بيعرفك ما بيتفاجأ يشوفك قاعد برّا تحت هالشجرا، تحت ضوء هالقنديل، العم بيهزّ ع هبوب الهوا، وحاضن الإنجيل بإيديك وع صدرك، وحاضنو بإسكيمك وجسمك كلّو. خايف عليه من السقعا. شو عم تتدقّا منّو؟.

مار شربل: عم إتدقّا من حرارة الإيمان والنور يلي بيشعّ منّو...

أنا: نيالك فيه، ونيالنا فيك.

مار شربل: يا بني، ليش جيت بهالطقس؟.

أنا: جيت، لأني قصدت إجي شوفك بهالوقت.

مار شربل: ومش عارف إنّو هون جبل والهوا مسقع؟.

أنا: مبلى... عارف. وجيت تشوفك، إحكي معك وشقّ عليك، وإتبارك منك.

مار شربل: هيئتكَ عنيد!

أنا: إيه، إزا كنت بتعتبر إتو محبتي إلك عناد، فأنا عنيد.

- وقف مار شربل من مطرحو، ومشى.

أنا: لوين رايح يا بونا؟.

مار شربل: صار الوقت يا بني.

أنا: ... ما فهمت!

مار شربل: صار وقت الصلا.

أنا: فيّ إجي صلّي معك؟.

مار شربل: يا بني، الكنيسي لكلّ الناس تصلّي فيا. والقدّاس، لكلّ يشاركو فيه.

هون، حَسَّيت ووعيت عَ حِكمتو، كرمال ما يَخْلِينِي واقف بالسقعا، إستعجل وقت الصلا.

بَلَّشْت حوارِي من دون أَيِّ مقدَّمِي. اليوم، ... مشَّو معي. عنوان بيحكِي عن حالو. لأتَّو اليوم بالزات قصِدْت إجي بمالطقس المسقع، التلج المغطَّى الجبال، فَرَش وتَمَدَّد عَ الجلالي، وعَ جوانب الطريق، وضلَّ مِنَّو شَوِي عَ حجارة الطريق. وصلت عَ المحبسي، الساعا 5 بعد الضهر، - هيك ساقِبْت - بَلَّشْت تدغش الدني. الهوا ناشِف. الأضويي عَ العواميد اللي عَ الطريق عم تَقُوا!. حَمَلْت حالي، وطلعت صوب المحبسي. أنا وعم بمشي، صار يُطلَع صوت خشخشة التلج اللي عم يتكسَّر تحت جريِّي. وبين الفشخا والفشخا، قَرَبْت الزحطا مَيَّ. شي من هالميلي، وشي من هيديك الميل، يمين وشمال، والطريق لقدام. رح يكون القدَّاس مع مار شربل، بالكيسي الزغيري، كنيسة مار بطرس وبولس بالمحبسي.

طُلَعْت ريحة البخور، رح يبلَّش القدَّاس، تفضَّلُو فوتو معي تتأمل، قبل ما يبلَّش، ويصلِّي كلَّ واحد مِنَّا عَ نَيَّة البتحبَّون. لحقتو دغري مثل خيالو، تَ وصلنا عَ المديح.

هون وقف القدِّيس قدام المديح، صلَّب إيدو عَ وجَّو، ركع وفتح إيدي. صلَّبت إيدي عَ وجِّي، ووقفت وتلبَّكت. مش عارف شو بدِّي أعمل. إزا بركَع أو ما بركَع؟ إحترت، وبلَّش الخجل يبيِّن عَ وجِّي اللي حمَّر. يا عمِّي،

إستحييت شو بعمل؟! برقع؟ هيك بدّي إركع قدام الناس الموجودين
بالكنيسي، معقول؟، بس، بركي جويت بنطلوني؟ وبس أطلع من الكنيسي،
بصيرو الناس يضحكو عليّ، أو يقولو، ليك هيدا تيابو مجوئين!. كلّ
هالتفكير، عم يصير معي، بلحظات قليلي كثير. رجعت وعيت من تفكيري
الميت، وتطلّعت لقدّامي، وكان مار شربل بعدو راع، مش سئلان إزا
بينجوي توبو من غبرة الأرض المقدّسي، اللي مارق عليا تقوى وصلا وبخّور.
مارق عليا قدّيسين، لأنّو الروح القدس مباركا. عليّت عيوني أكثر صوب
فوق، فوق، غ المديح، غ الصليب وغ المصلوب، وتأمّلتو. تزكّرت حياتو
(اللي لازم تضلاّ قدام عيونا ليل نهار ما تفارقنا)، تزكّرت قدّيش عانا وتحمل
إهانات وإضطهادات، وتألّم ونضرب، ت يمحي كلّ خطايانا، يرفعنا من تحت
الأرض، وياخدنا معو غ ملكوت بيّو السماوي. ما حسّيت غ حالي، إلّا
مش راع وبس، عم بسجد كمان لألله وحدو، مش لإلي، ولا للناس الما
بترحم، ولا للعيوبات اللي فيّ، ولا للإشيا الأرضيّي الفانيي.

طوّل مار شربل وبعدو راع. الما بيعرفو يقول عنّو غفي. واللي بيعرفو، بيعرفو
إنّو غافي وسكران باللّه. بلّشو جرّي وركابي يوجعوني، مش معوّد إركع، إسجد
هالوقت كلّو!. مش عارف شو بدّي أعمل، بقوم؟ بضلّي؟. وبين بقوم وبين
بتحمّل وجعي متل ما يسوع تحمّل عنّا. ومتل يلّي سبقونا، وجّعو بصمت،
بمحبة الله، بضلّ؟! هوني، تزكّرت نهار أوّل قربانتي، وقتا كانو يعلمونا نركع

ونصلّي، وما نتطّلع بشي من حوالينا، ولو شو ما صار. تزكّرت حالي،
وتزكّرت بالزات، من كمّ يوم، لِمَن إلتقيت بمعلّمتي من إيام المدرسي، واللي
كانت تعلّمني تعليم ديني. كان عندا صُور بعدا محتفظا فين، من إيام
المدرسي. يعني بالأبيض والأسود. وكان إلی حصّا فين بتفرّج القلب. وأنا،
هالولد اللي بالصورا، بقدر قلّكن، إنّو بلّش يرجع يوعى فيّي. يحنّ، تَ يعيش
من جديد، يعيش حياة الحياة، ويتنفّس عَ طريقتهو بحريّي... وما إنتبهت عَ
حالي، وقتا هالصُور مرّقت كِلّا قدام عيوني، إلّا بصوت جرس الكنيسي عم
بيدّق، ويونا شربل عم ييقول... آمين. صار واقف قدام المذبح!. وقفت
دُغري.

مار شربل: اللهم، أسألك أن تجعلني مستحقّاً التقدّم الى مذبحك الطاهر، بلا
عيبٍ ولا دنس، لأنيّ عبدٌ خاطيءٌ، قد اقترفت الخطايا بين
يديك، ولستُ أهلاً للتقدّم الى مذبحك الطاهر، ولا إلی
أسراركَ المقدّسة... إقبل يا وادّ التائبين...

الحاضرين: ... بحنّو حِلْمَك وعدوبتك، البحّور المقدّم لك، من المؤمنين
أبناء بيعتكَ.

مار شربل: لنرفعنّ التسبيحَ والتمجيد والإكرام، الى الثمرة التي نمت في حشّي
البتول...

الحاضرين: ... آمين.

مار شربل: صلاتُك معنا يا أظهر العباد...

الحاضرين: كوني عوننا حسب المعتاد

هوذا حالنا للتلف أشرف

إرحمنا يا بريئةً من الفساد.

- بتكمل الترنيمي بلا صوت الحاضرين. بعد شوي، بيوقفو.

مار شربل: قديشات ألوهو، قديشات حيلتونو، قديشات لومويوتو.

الحاضرين: إتراحام علين... .

الشمّاس: ... هللويا، هللويا، كلائك مصباح لخطايا، ونور لسبيلي، أقسمت

وسأنجز أحكام برك، هللويا.

مار شربل: من إنجيل ربنا يسوع المسيح للقديس يوحنا الذي بشر العالم

بالحياة، فلنصغ الى بشارة الحياة والخلاص لنفوسنا.

الشمّاس: إرحمنا يا رب.

مار شربل: قال الرب يسوع: "الحقّ الحقّ أقول لكم: أنا هو بابُ الخِرافِ. جميعُ الذين أتوا قبلي هم سارقون ولصوص، ولم تَسْمَعْ لهم الخِراف. أنا هو الباب. فمن يدخل مني يخلُص، يدخل ويخرُج ويجد مرعى. السارق لا يأتي إلّا ليسرِقَ ويدبَحَ ويُهْلِك. أنا أتيتُ لتكون للخِرافِ حياة، وتكون لهم وافرة". حقًا والأمان لجميعكم... نؤمن بإله واحد... .

الحاضرين: آبُ ضابطُ الكلّ، خالقُ السماء والأرض، كلّ ما يرى، وما لا يرى، وبربّ واحدٍ يسوع المسيح... .

مار شربل: محبّة الله الآب، ونعمة الابن الوحيد، وشركة وحلول الروح القدس مع جميعكم، يا إخوتي الى الأبد.

الشّمّاس: ومع روجك.

مار شربل: بيومو هاو دقْدُم...

الحاضرين: آمين.

مار شربل: بهدين بزُنْ من بوتار دَحْشيم...

الحاضرين: آمين.

- يحمل مار شربل الصيّبي والكاس بإيدي، فوق راسو ويقول.

مار شربل: الأقداس للقدّيسين بالنقاوة والطهارة والقداسة.

- مار شربل بعدو رافعن فوق راسو... تأخّر الوقت وكلّن ساكتين،
وبعدو عم بيصلي بصمت... .

الحاضرين: أيا ربّ رُحماك واشفّق علينا

واقبل قراييننا يا رحيم

وهذي الذبيحة تعلق الخطايا

كما قد رسمت بفضل عميم.

- هون نزل مار شربل الصيّبي والكاس... بياخذ بيمينو الجسد، من
بعد ما يكون كسر شقفي زغيري. بيغطّ بالدمّ 3 مرّات، وبيرشّ ع
الجسد 3 مرّات. بيحطّ الشقفي بقلب الكاس. وهون، بيصير
يتمتم صلا لوحده.

مار شربل: أبانا الذي في السموات...

الحاضرين: ليتقدّس اسمك، ليأت ملكوتك، لتكن مشيئتك، كما في السماء
كذلك عَ الأرض، أعطنا حُبُّنا كفات يومنا، واغفر لنا ذنوبنا
وخطايانا، كما نغفر لمن أخطأ وأساء إلينا، ولا تُدخلنا في
التجارب، لكن نَجِّنَا من الشرير. آمين.

- يتناول مار شربل الجسد، ويشرب الدّم هوّي وعم يقول.

مار شربل: جسد سيِّدنا يسوع المسيح يُعطى لي، لمغفرة خطايائي وللحياة
الأبدية، دَمُ سيدنا يسوع المسيح يُعطى لي، لمغفرة خطايائي
وللحياة الأبدية... بركة سيدنا يسوع المسيح، تنزل من
السماء وتحلّ عليّ وعليكم، وتغفر ذنوبكم، وتكتب أسماءكم
في سفر الملكوت السماوي، وتنجِّبنا وإياكم من الخزي والعار
يوم الدين العادل المستقيم، باسم الآب والإبن والروح القدس،
له المجد إلى الأبد.

الحاضرين: آمين.

- هالقدّاس حملي ونقلني لمطرح ثاني بعيد كثير عن مطرحنا، وحطّني
وعبّاني بريجة بجّور كلاً روحانيّ. بمختصر، عطّرتني بونا شربل
بقداستو وقدّاسو. خلاّني إطلع من الأنا اللي بتشدّني نزول،
وأطلع معو طلوع، برفعتو القربان والكاس، صوب بينا السماوي
وملكوتو.

- شو رح يصير معي بالزيارات الجايي؟
- خليكن معي، تَ نزور سوا القدّيس مار شربل، ونتبارك منّو بالجزء
الثاني.

بنعمة الله خلص أوّل جزء.

آمين

فهرس

3

المقدّمي

5

بلّش الحوار

21	الزيارة الثاني	-
27	الزيارة التالي	-
33	الزيارة الرابع	-
37	زيارة مش معروف	-
49	زيارة مش متوقّعا	-
59	يوم أحد	-
69	زيارة سريعا	-
75	نهار جمعا	-
83	زيارة مهضومي	-
91	وينك؟	-
101	نهار أربعا	-
109	زيارة مختلفي عن غيرا	-
119	اليوم،... مَشُو معي	-

للمؤلف

1985	عندما يرحل جسدي (عن عمر 14 عاماً)	-
2009	فكر ومجتمع	-

2010	حوار مع مار شربل	-
2014	دو ري مي لاف	-
2016	أنثى بلا جسد	-
2019	حوار مع مار شربل (طبعة ثانية)	-
2019	حوار مع مار شربل (باللغة الفرنسية)	-
2019	حوار مع مار شربل (باللغة الإنجليزية)	-

روحيه ضاهرية

تلقى علومه الابتدائية والثانوية في المدرسة المركزية للرهبان اللبنانيين - جونية. نال شهادة في إدارة الأعمال. تابع المناهج الفلسفية في الجامعة اللبنانية. درس هندسة الكمبيوتر في جامعة كونكورديا - مونتريال - كندا، وكان مدرّساً لهذه المادة في وطنه. تأثّر بمداد الأدب والأدباء، فأصدر أول كتاب له بعنوان: "عندما يرحل جسدي" بعمر الـ 14 عاماً. وسرعان ما تلمّس صدى الندوات الفكرية والعلمية، فانخرط في العديد من نواديها وهو ابن العشرين. انضمّ الى أكاديميا الفكر اللبناني وجمعية المؤلفين والملحنين وناشري الموسيقى في العالم، وجمعية قانا المقدسة. له العديد من المقالات الأدبية والانتقادية والوطنية في الصحف والمجلات اللبنانية

والإغترابية. دفعه حبّ المغامرة الى السفر، حيث حلّ في ربوع كندا لأكثر من عشرين عامًا. أصبح من أعضاء الكتاب الكنديين والكتاب الكيبكيين. أسّس أول دليل للجالية اللبنانية في مونتريال وضواحيها. فحاز على عدة أوسمة من الحكومتين الكيبكية والكندية تقديرًا لعطاءاته للجالية اللبنانية . عام 2009، أصدر كتابه الثاني "فكر ومجتمع" . نال درعًا تكريميًا للكتاب، بمناسبة بيروت عاصمة عالمية للكتاب. مؤسس ورئيس المنتدى الثقافي والفني المسجّل رسميًا منذ 2009، والمميّز بنشاطاته الثقافية والفنيّة الراقية. له العديد من الحلقات والمسلسلات الدرامية والأغاني والتراتيل. وفي 2010 كان كتابه الثالث "حوار مع مار شربل" (باللغة اللبنانية) مع سي دي. ترجم الى اللغة الفرنسية والإنكليزية. (يتصدر حاليًا قائمة المبيعات). آخر إصداراته كتابين عن الحب "دوري مي لاف" 2014 و "أنثى بلا جسد" 2016. حاز على شهادة في التعليم الديني بعد عودته من الإغتراب، وكان مدرّسًا لهذه المادة في عدّة مدارس.